



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶ

ԱՐՁԱՆԱԳՐՈՒԹՅՈՒՆ N 9

ՉԱՐԵՆՑԱՎԱՆ ՀԱՄԱՅՆՔԻ ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Ք. ՉԱՐԵՆՑԱՎԱՆ

17.09.2018թ.

Համայնքի ավագանու նիստի աշխատանքների ներկա են ավագանու 11 անդամները: Բացակայում են Տարոն Եփրեմյանը, Նարեկ Բաբայանը, Անատոլի Գասպարյանը, Նորիկ Վարդանյանը:

Նիստը վարում է համայնքի ղեկավարի տեղակալ Վ. Չիլինգարյանը:

Համայնքի ղեկավարի տեղակալ Վ. Չիլինգարյանի հրավերով ավագանու նիստին մասնակցում են համայնքապետարանի աշխատակազմի քարտուղար Շ.Սարգսյանը, համայնքապետարանի աշխատակազմի բաժինների պետեր՝ Վ.Բարսամյանը, Ռ.Բալբաբյանը , Ա. Ծերունյանը, Ս.Շահնազարյանը, գլխավոր մասնագետ-հաշվապահ Գ.Աֆյանը և համայնքի գյուղերի վարչական ղեկավարները:

Համայնքի ղեկավարի տեղակալ Վ. Չիլինգարյան

Ձեզ եմ ներկայացնում համայնքի ավագանու թիվ 9 արտահերթ նիստի օրակարգը՝ Հաստատել համայնքի ավագանու թիվ 9 արտահերթ նիստի օրակարգը՝

1. Չարենցավան համայնքի սեփականություն հանդիսացող բնակարանները նվիրատվության եղանակով վարձակալներին օտարելու համաձայնություն տալու մասին:
2. Չարենցավան համայնքի սեփականություն հանդիսացող գույքն անհատույց օգտագործման իրավունքով տրամադրելու թույլտվություն տալու մասին:
3. Որպես համայնքային սեփականություն հողատարածք ձեռք բերելու մասին:
4. Չարենցավան համայնքի ավագանու 2017 թվականի դեկտեմբերի 22-ի թիվ 89 որոշման մեջ փոփոխություններ և լրացումներ կատարելու մասին:
5. Չարենցավան համայնքի ավագանու 2017 թվականի դեկտեմբերի 22-ի թիվ 76 որոշման մեջ լրացումներ կատարելու մասին:
6. Կոտայքի մարզպետին առընթեր երիտասարդական խորհրդի կազմում ոչ պետական հատվածը ներկայացնող անդամ առաջադրելու մասին:
7. Համայնքի ղեկավարին կից խորհրդակցական մարմինների կազմը համալրելու մասին:
8. Չարենցավան համայնքի սեփականություն հանդիսացող հողատարածքը աճուրդային կարգով օտարելու թույլտվություն տալու մասին:

Համայնքի ղեկավարի տեղակալ Վ. Չիլինգարյան

Եթե առարկություններ չկան, քվեարկության եմ դնում որոշումը օրակարգային հարցերի վերաբերյալ:

Կողմ -11

դեմ - 0

ձեռնպահ -0

Օրակարգն ընդունված է /կցվում է որոշումը/:

**Լսեցին.**

1. Չարենցավան համայնքի սեփականություն հանդիսացող բնակարանները նվիրատվության եղանակով վարձակալներին օտարելու համաձայնություն տալու մասին:

*/Չեկ.Վ.Չիլինգարյան/*

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետով, 35-րդ հոդվածի 1-ին մասի 18-րդ կետով և 77-րդ հոդվածով՝ առաջարկում եմ տալ համաձայնություն համայնքի սեփականություն հանդիսացող բնակարանները նվիրատվության եղանակով վարձակալներին օտարելու՝ համաձայն ներքոնշյալ քաղաքացիների դիմումների.

Հ/Հ	ԱԶԳԱՆՈՒՆ ԱՆՈՒՆ	ՀԱՍՑԵՆ	ՇՈՒԿԱՅԱԿԱՆ ԱՐԺԵՔԸ	ԻՆՉ ԻՐԱՎՈՒՆՔՈՎ Է ՀԱՏԿԱՑՎՈՒՄ	ՀԱՏՈՒՑՄԱՄԲ ԿԱՄ ԱՆՀԱՏՈՒՅՑ
1.	Հրանուշ Սարգսյան	5-8-33	5 600 000	Սեփականություն	Անհատույց

Եթե առարկություններ չկան, քվեարկության եմ դնում որոշումը:

Կողմ - 11

դեմ - 0

ձեռնպահ-0

*Որոշումն ընդունված է /կցվում է որոշումը/:*

**Լսեցին.**

2. Չարենցավան համայնքի սեփականություն հանդիսացող գույքն անհատույց օգտագործման իրավունքով տրամադրելու թույլտվություն տալու մասին:

*/Չեկ.Բ.Բալբաբյան /*

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 21-րդ կետով՝ առաջարկում եմ, թույլատրել 10 տարի ժամկետով անհատույց օգտագործման իրավունքով տրամադրելու համայնքի սեփականություն հանդիսացող ք.Չարենցավան Օղակային փողոց թիվ 11 «Ա. Խաչատուրյանի անվան ՄԵԴ» ՀՈԱԿ-ի շինության կիսանկուղային հարկից 177.6քմ մակերեսով տարածք:

**Համայնքի ղեկավարի տեղակալ Վ. Չիլինգարյան**

Քվեարկության եմ դնում որոշումը:

Կողմ - 11

դեմ - 0

ձեռնպահ-0

*Որոշումն ընդունված է /կցվում է որոշումը/:*

**Լսեցին.**

3. Որպես համայնքային սեփականություն հողատարածք ձեռք բերելու մասին:

*/Չեկ.Բ.Բալբաբյան /*

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 42-րդ կետով, 77-րդ հոդվածի 3-րդ մասով, 79-րդ հոդվածի 1-ին մասի 4-րդ կետով և հիմք ընդունելով քաղաքաշինության, ճարտարապետության, գյուղատնտեսության և բնակկոմունալ տնտեսության բաժնի պետի 2018 թվականի օգոստոսի 13-ի զեկուցագիրը, **առաջարկում եմ** տալ համաձայնություն ՀՀ Կոտայքի մարզի Չարենցավան համայնքի Չարենցավան քաղաքի թիվ 2 գերեզմանատունը ընդլայնելու նպատակով գերեզմանոցի հարակից հատվածներում ձեռք բերել 1.0 հա հողատարածք ողջամիտ շուկայական գնով:

**Համայնքի ղեկավարի տեղակալ Վ. Չիլինգարյան**

Եթե առարկություններ չկան, քվեարկության եմ դնում որոշումը:

Կողմ-11

դեմ-0

ձեռնպահ-0

**Որոշումն ընդունված է /կցվում է որոշումը/:**

**Լսեցին.**

**4. Չարենցավան համայնքի ավագանու 2017 թվականի դեկտեմբերի 22-ի թիվ 89 որոշման մեջ փոփոխություններ և լրացումներ կատարելու մասին :**

**/Չեկ. Գ. Աֆյան/**

Ղեկավարվելով «Հայաստանի Հանրապետության Բյուջետային համակարգի մասին» օրենքի 33-րդ հոդվածի 4-րդ մասի դրույթներով, «Նորմատիվ իրավական ակտերի մասին» օրենքի 34-րդ հոդվածով և հաշվի առնելով Չարենցավան համայնքի ղեկավարի տեղակալ Վ. Չիլինգարյանի (մուտք՝ 2018 թվականի օգոստոսի 29-ի N 2554-04, 2556-04, 2555-04), համայնքապետարանի քաղաքաշինության, ճարտարապետության, գյուղատնտեսության և բնակկոմունալ բաժնի պետ Բ. Բալբաբյանի (մուտք՝ 2018 թվականի օգոստոսի 29-ի N 2557-04, 2558-04, 2018 թվականի օգոստոսի 29-ի N 2572-04, 2018 թվականի սեպտեմբերի 05-ի N 2664-04, ), համայնքապետարանի ֆինանսատնտեսագիտական և գնումների կազմակերպման բաժնի գլխավոր մասնագետ-հաշվապահ Գ. Աֆյանի (մուտք՝ 2018 թվականի օգոստոսի 29-ի N 2553-04), Չարենցավան համայնքի Կարենիս գյուղի վարչական ղեկավար Ա. Բաղդասարյանի (մուտք՝ 2018 թվականի օգոստոսի 29-ի N 2559-04), Արզական գյուղի վարչական ղեկավար Լ. Մարգարյանի (մուտք՝ 2018 թվականի օգոստոսի 29-ի N 2552-04) զեկուցագրերը և Բջնի գյուղի վարչական ղեկավար Ա. Մաթևոսյանի (մուտք՝ 2018 թվականի սեպտեմբերի 11-ի N 2725-04) գրությունը, **առաջարկում եմ**

1. Չարենցավան համայնքի ավագանու 2017 թվականի դեկտեմբերի 22-ի «Չարենցավան համայնքի 2018 թվականի բյուջեն հաստատելու մասին» թիվ 89-Ն որոշման մեջ կատարել հետևյալ փոփոխությունները և լրացումները.

**1) Հաստատված բյուջեի վարչական մասի՝**

ա. 7422 «Համայնքի վարչական տարածքում ինքնակամ կառուցված շենքերի, շինությունների օրինականացման համար վճարներ» հոդվածի «54963.7» թիվը փոխարինել «53265.4» թվով,

**2) Հաստատված բյուջեի ֆոնդային մասի՝**

ա. 8411 «Հողի իրացումից մուտքեր» հոդվածի «94401.7» թիվը փոխարինել «104215,56» թվով,

**3) Համայնքի բյուջեի ծախսերի վարչական մասում կատարել հետևյալ փոփոխությունները.**

- ա. 0451 «Ճանապարհային տրանսպորտ» - ի 4251 «Շենքերի և կառույցների ընթացիկ նորոգում և պահպանում» սինթետիկ հաշվի «32900,0» թիվը փոխարինել «27900,0» թվով,
- բ. 0511 «Աղբահանում» - ի 4213 «Կոմունալ ծառայություններ» սինթետիկ հաշվի «57463,4» թիվը փոխարինել «58300,0» թվով,
- գ. 0611 «Բնակարանային շինարարություն» - ի 4521 «Սուբսիդիաներ ոչ պետական (ոչ համայնքային) ոչ ֆինանսական կազմակերպություններին» սինթետիկ հաշվի «1950,0» թիվը փոխարինել «5775,0» թվով,
- դ. 0661 «Բնակարանային շինարարության և կոմունալ ծառայություններ (այլ դասերին չպատկանող)» - ի 4241 «Մասնագիտական ծառայություններ» սինթետիկ հաշվի «2650,0» թիվը փոխարինել «845.6» թվով,
- ե. 0824 «Այլ մշակութային կազմակերպություններ» - ի՝
- եա. 4237 «Ներկայացուցչական ծախսեր» սինթետիկ հաշվի «1000,0» թիվը փոխարինել «0» թվով,
- եր. 4239 «Ընդհանուր բնույթի այլ ծառայություններ» սինթետիկ հաշվի «4818,1» թիվը փոխարինել «3408,8» թվով,
- զ. 0842 «Քաղաքական կուսակցություններ, հասարակական կազմակերպություններ, արհմիություններ» - ի 4819 «Նվիրատվություններ այլ շահույթ չհետապնդող կազմակերպություններին» սինթետիկ հաշվի «1100,0» թիվը փոխարինել «150,0» թվով,
- է. 0981 «Կրթություն (այլ դասերին չպատկանող)» - ի 4637 «Ընթացիկ դրամաշնորհներ պետական և համայնքների ոչ առևտրային կազմակերպություններին» սինթետիկ հաշվին հատկացնել 1000,0 հազ. դրամ,
- ը. 1071 «Սոցիալական հատուկ արտոնություններ (այլ դասերին չպատկանող)» - ի 4729 «Այլ նպաստներ բյուջեից» սինթետիկ հաշվի «13000,0» թիվը փոխարինել «15500,0» թվով,
- թ. 0111 «Չարենցավանի համայնքապետարանի պահպանման ծախսեր» -ի՝
- թա. 4241 «Մասնագիտական ծառայություններ» սինթետիկ հաշվի «1590.0» թիվը փոխարինել «1810.0» թվով,
- թբ. 4729 «Այլ նպաստներ բյուջեից» սինթետիկ հաշվի «13000,0» թիվը փոխարինել «2500,0» թվով,
- թգ. 4112 «Պարգևատրումներ, դրամական խրախուսումներ և հատուկ վճարներ» սինթետիկ հաշվի «3000,0» թիվը փոխարինել «13500,0» թվով,
- ժ. 0421 «Գյուղատնտեսություն»-ի 4241 «Մասնագիտական ծառայություններ» սինթետիկ հաշվին հատկացնել 83.8 հազ. դրամ:

#### **4) Համայնքի բյուջեի ծախսերի ֆոնդային մասում կապարել հետևյալ**

##### **փոփոխությունները.**

- ա. 0161 «Ընդհանուր բնույթի հանրային ծառայություններ (այլ դասերին չպատկանող)» - ի 5129 «Այլ մեքենաներ և սարքավորումներ» սինթետիկ հաշվի «5650,0» թիվը փոխարինել «7650,0» թվով,
- բ. 0981 «Կրթություն (այլ դասերին չպատկանող)» - ի 5113 «Շենքերի և շինությունների կապիտալ վերանորոգում» սինթետիկ հաշվին հատկացնել 6863,86 հազ. դրամ,
- գ. 0561 «Շրջակա միջավայրի պաշտպանություն (այլ դասերին չպատկանող)» սինթետիկ հաշվի 5122 «Վարչական սարքավորումներ» սինթետիկ հաշվի «9439.6» թիվը փոխարինել «0» թվով,
- դ. 0561 «Կանաչ տարածքների հիմնում և պահպանում»-ի 5122 «Վարչական սարքավորումներ» սինթետիկ հաշվին հատկացնել 9439.6 հազ. դրամ,
- ե. 0611 «Բնակարանային շինարարություն» - ի 5113 «Շենքերի և շինությունների կապիտալ վերանորոգում» սինթետիկ հաշվին հատկացնել 950.0 հազ. դրամ:
2. Թույլատրել գնումները կատարել Հայաստանի Հանրապետության «Գնումների մասին» օրենքի համաձայն:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

#### **Համայնքի ղեկավարի տեղակալ Վ. Չիլինգարյան**

Քվեարկության եմ դնում որոշումը:

Կողմ-10

դեմ-0

ծեռնպահ-0

**Lutghն.**

5. Չարենցավան համայնքի ավագանու 2017 թվականի դեկտեմբերի 22-ի թիվ 76 որոշման մեջ լրացումներ կատարելու մասին:

*/Զեկ.Շ.Սարգսյան/*

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 28-րդ կետի, «Նորմատիվ իրավական ակտերի մասին» օրենքի 34-րդ հոդվածով և հաշվի առնելով Չարենցավան համայնքի Չարենցավան քաղաքի «Մաքուր Չարենցավան» ՀՈԱԿ-ի տնօրեն Վ.Արրահամյանի, Բջնի գյուղի վարչական ղեկավար Ա. Մաթևոսյանի 2018 թվականի օգոստոսի 20-ի թիվ 019-057, Ալափարս գյուղի վարչական ղեկավար Ա. Սարիբեկյանի 2018 թվականի սեպտեմբերի 1-ի թիվ 27, Արզական գյուղի մանկապարտեզի տնօրեն Ա.Հովսեփյանի 2018 թվականի սեպտեմբերի 11-ի թիվ 17, «Գառզուի անվան արվեստի դպրոց» ՀՈԱԿ-ի տնօրեն Տ.Սաղաթեյանի 2018 թվականի օգոստոսի 30-ի թիվ 63 գրությունները, **առաջարկում եմ՝**

1. Չարենցավան համայնքի ավագանու 2017 թվականի դեկտեմբերի 22-ի «Չարենցավանի համայնքային ոչ առևտրային կազմակերպությունների 2018 թվականի աշխատակիցների թվաքանակը, հաստիքացուցակը և պաշտոնային դրույքաչափերը հաստատելու մասին» թիվ 76 որոշման 6-րդ, 7-րդ, 8-րդ, 11-րդ և 16-րդ հավելվածները շարադրել նոր խմբագրությամբ:

Կողմ-10

դեմ-0

ձեռնպահ-0

**Lutghն.**

6. Կոտայքի մարզպետին առընթեր Երիտասարդական խորհրդի կազմում ոչ պետական հատվածը ներկայացնող անդամ առաջադրելու մասին:

*/Զեկ.Ս.Մուրադյան/*

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 42-րդ կետով, հինք ընդունելով Կոտայքի մարզպետի 11.07.2018թ N01/13.2/3130-18 գրությունը, հիմք ընդունելով Միհրան Միքայելյանի դիմումը, **առաջարկում եմ՝** հաստատել Միհրան Միքայելյանի թեկնածությունը ՀՀ Կոտայքի մարզպետին առընթեր Երիտասարդական խորհրդի կազմում, որպես ոչ պետական հատվածը ներկայացնող անդամի:

**Համայնքի ղեկավարի տեղակալ Վ. Չիլինգարյան**

Եթե առարկություններ չկան, քվեարկության եմ դնում որոշումը:

Կողմ-9

դեմ-0

ձեռնպահ-1

**Մնացական Պողոսյան**

**Լսեցին.**

**7. Համայնքի ղեկավարին կից խորհրդակցական մարմինների կազմը համալրելու մասին:**

*/Չեկ.Ս. Մուրադյան/*

Ղեկավարվելով «Տեղական ինքնակառավարման մասին» ՀՀ օրենքի 18-րդ հոդվածի 1-ին մասի 34-րդ կետով և 84-րդ հոդվածով, հինք ընդունելով Չարենցավան համայնքի ավագանու 2017թվականի նոյեմբերի 20-ի թիվ 68 որոշմամբ սահմանված կարգը.

Հաշվի առնելով մեր համայքում քաղաքացիական հասարակության ձևավորման գործընթացով պայմանավորված առաջացած հանրային պահանջը և բնակչության համայնքի ղեկավարին կից խորհրդակցական մարմիններում ընդգրկվելու բազմաթիվ դիմումների առկայությունը՝ **առաջարկում եմ** համալրել համայնքի ղեկավարին կից համայնքի զարգացման հնգամյա ծրագրի և տարեկան բյուջեի կառավարման խորհրդակցական մարմնի կազմը՝ համաձայն՝ հավելված 1-ի:

2. Համալրել կրթության, մշակույթի երիտասարդության հետ տարվող աշխատանքների, առողջապահության, սպորտի, սոցիալական /այդ թվում՝ երեխաների պաշտպանության/ հարցերի խորհրդակցական մարմնի կազմը՝ համաձայն՝ հավելված 2-ի:

3. Համալրել քաղաքաշինության, հողօգտագործման, տնտեսական ենթակառուցվածքների, կոմունալ տնտեսության, շրջակա միջավայրի պաշտպանության և տրանսպորտի հարցերի խորհրդակցական մարմնի կազմը հավելված 3-ի:

4. Սահմանել, որ սույն որոշմամբ ձևավորված խորհրդակցական մարմինները գործելու են մինչև համայնքի ղեկավարի պաշտոնավարման ժամկետի ավարտը՝ Սույն որոշումն ուժի մեջ է մտնում հաստատմանը հաջորդող օրվանից:

**Համայնքի ղեկավարի տեղակալ Վ. Չիլինգարյան**

Քվեարկության եմ դնում որոշումը:

**Կողմ 6**

**դեմ- 3**

**ձեռնպահ-1**

**Պողոսյան Մնացական**

**Երիցյան Գագիկ**

**Վարդանյան Նորայր**

**Փանոսյան Արթուր**

**Լսեցին.**

**8. Չարենցավան համայնքի սեփականություն հանդիսացող հողատարածքը աճուրդային կարգով օտարելու թույլտվություն տալու մասին:**

*/Չեկ. Բ. Բալբաբյան /*

Ղեկավարվելով Հողային օրենսգրքի 46-րդ հոդվածով և «Տեղական ինքնակառավարման մասին» օրենքի 18-րդ հոդվածի 1-ին մասի 21-րդ կետով՝ **առաջարկում եմ** թույլատրել համայնքի սեփականության ներքո գտնվող հողատարածքը աճուրդային կարգով օտարելու՝ համաձայն հավելվածի:

Հ/Հ	ԳՏՆՎԵԼՈՒ ՎԱՅՐԸ	ՄԱԿԵՐԵՍԸ ՔՄ/ծածկագիր/	ՕԳՏԱԳՈՐԾՄԱՆ ՆՊԱՏԱԿԸ	ՕԳՏԱԳՈՐԾՄԱՆ ՁԵՎԸ	ՄԵԿՆԱՐԿԱՅԻՆ ԳԻՆԸ
1	Չարենցավան համայնք գ. Բջնի	900քմ 07-007-0201- 0034	Գյուղատնտեսական այլ հողատեսք	Սեփականություն	7200 ՀՀ դրամ


**Համայնքի ղեկավարի տեղակալ Վ. Չիլինգարյան**


Եթե առարկություններ չկան, քվեարկության եմ դնում որոշումը:


Կողմ 10


դեմ- 0


ձեռնպահ-0


Բաբայան Վալերի 


Գասպարյան Մելիք 


Դավթյան Կարեն 


Երիցյան Գագիկ 


Վարդանյան Նորայր 

Վարդանյան Սարգիս 

Խլղաթյան Արսեն 

Պողոսյան Մնացական 

Սահակյան Երեմ 

Փանոսյան Արթուր 

**Որոշումն ընդունված է /կցվում է որոշումը/:**

Նիստն արձանագրեց Շ. Սարգսյանը \_\_\_\_\_

ՀԱՄԱՅՆՔԻ ՂԵԿԱՎԱՐԻ ՏԵՂԱԿԱԼ

Վ. ՉԻԼԻՆԳԱՐՅԱՆ

